



**Henrici Canisi[i] Noviomagi, Belgæ, Jn Academia
Ingolstadiensi SS. Canonum Profess. Ordinarii & Primarii,
Opera Quæ De Ivre Canonico Reliqvit**

Canisius, Heinrich

Coloniae Agrippinae, 1662

In Cap. Nos quidem 3. c. Si heredes 6. c. Tua nobis 17. & c. pen.

[urn:nbn:de:hbz:466:1-62169](#)

corum spolia, id est, bona ex redditibus Ecclesiasticis quæ sita, post eorum mortem reservantur. Sedi sive Camera Apostolica, sicut videtur est apud eundem Navar. in d tract de Spol. Cleric. §. 5. & seqq. de quibus opportuniū agetur infra. *Ad c. 1, inf. De successione in testam.* Tantummodo sufficit hic attigisse, quod S. Pont. in hanc consuetudinem ne quidem tacitè consentiat. Deinde et si S. Pont. toleret talen consuetudinem, non tamen censetur illam approbare, per text. inc. Cum jam dudum 18, in fine sup. De prob. ubi his verbis Innoc. III. multa ait per patientiam tolerari, quæ si deducta essent in judicium, exigente justiciâ non deberent tolerari. De consensu orbis Christiani ne id quidem verum est, cum hodie, ubi testamentum Clerici toleratur, non aliter id fiat, quam ex permissione Episcopi vel Capituli; & memini ipse audi-

visse quandoque contrarium in Italia.

Secundum argumentum defendi posset, nisi consuetudo expressè à jure improbata esset, d.c. i sup. De consuet. vel ubi talis est consuetudo, quæ ratione nititur; ut si pauperibus, religiosis locis, vel illis, qui viventi Clerico servirunt juxta servitii merita testamento aliquid reliquatur. Neque etiam S. Pont. presumitur privilegium standi, nisi ex hac vel simili causa, concedere.

Tertium argumentum rectè procederet, si eo probaretur, si nullus vacantis beneficij consuetudo ad laicos heredes ipsius Clerici spectare posse: verum textus in d.c. 2, §. 1. exaudiendus est de personis Ecclesiasticis, quod videlicet haec frumentus ejusmodi consuetudine acquirere possint, sicut rectè ibid. interpretatur *Glossa in V. vel personis.*

In Cap. Nos quidem 3. c. Si heredes 6. c. Tua nobis 17. & c. pen.

S U M M A R I A.

1. *Executores testamenti constituti solent vel ipsum heredes, vel extranei.*
2. *Executori extraneo adversus heredem an & qua actio detur.*
3. *Executores qui constitui possint.*
4. *Nomine constituto, executio ad heredem pertinet.*

His Capp. agitur de executoribus testamentariis, qui nouum quam a testatore in testamento nominari solent, vel ipsum heredes constituti intelliguntur, idque in piam vel profanam causam: piam, puta ut Monasterium, vel Ecclesia extruatur, sive in pauperes, vel alium pius usum pecunia vel alia res conveyratur: profanam, ut creditoribus satisfiat, dominus edificetur, & similia ad profanum usum spectantia. Et quidem dubium non est, hæc à testatore defuncto imponi posse heredibus vel aliis extraneis. Heredibus ideo, quod bi teneantur implere defuncti voluntatem; adeò ut, si moniti per judicem intra annum non impleverint, auferatur ab ipsis hereditas, & aliis applicetur, juxta Nov. 1, §. Hui igitur, cum §. seq. & c. 6, b. t. Executor vero extraneus, hoc est, qui heres institutus non est, licet defuncti mandata suscipere non cogatur, si tamen semel suscepit, tenetur exequi, per text. in c. Tua nos 17. & c. Ioannes 19, insi eod juncto §. mandatum non suscipere insit. De mand. Nisi tamen hic

executor extraneus sit legatarius vel fideicommissarius, qui perdit legatum suum sive fideicommissum, si monitus à judice voluntatem defuncti non impleverit, d.c. i, cum c. seq. & Novel. 131, De Ecclesiast. tit. §. si quid autem ii.

Cæterum, ut hæc res tota planior reddatur, subiicienda sunt à nobis duæ Conclusiones, quarum hæc prima sit: † Executor extraneus nullam habet actionem adversus heredem, ut petat sibi tradiri rem ad executionem necessariam, sed debet implorare officium judicis. Quod nullam actionem habeat, probat text. in l. Lucius 78, §. 1, D. Ad S. C. Trebell. nam licet heres aedundo hereditatem quasi contrahere dicatur cum legatariis & fideicommissariis, §. 6, Insit. De oblig. qua quasi ex contr. nasc. non tamen cum ipso executore testamentario; cum hujus non inter sit, voluntatem defuncti impleri. Siquidem actio est jus persequendi in judicio, quod sibi debetur, tit. Insit. De action. §. 1, & l. Si procuratorem 8, §. 6, D. Mandati. Ne autem ideo testatoris voluntas cassa & irrita sit, necessariò ad officium judicis recurrit, quod deficientiactioni succedit, per text. in l. Hereditas 50, in fine D. De hered. pet. juncto l. i, in verbis, & non sint cassa judicia ejus, C. De sacro. Ecele. & l. Quintus 7, D. De ann. legat. Tametsi hoc amplius sit in hereditate vel legato relatio in alimenta pauperum, vel in redemptionem captivorum, ut non solum executori, sed & Episcopo, cum executor à testatore nominatus non est, immo his ne-

gligen-

glibentibus, cui liber ex populo agere permisum
sit condicione ex l. Nulli 28, in fine C. De Episc. &
Cler. d.c. 11, & d.c. 19, inf. h. tit. Neque hac in re dis-
cimeret admittendum est inter ius Canonicum &
ius Civile; item, an res pia, an profana sit, quæ
executio mandari debet, sicut vult Panorm. ad
d.c. 19, num. 4, per cum id tax. Nisi forte idem ex-
ecutor sit simul & legatarius vel fideicommissa-
rius: qui cùm ad petendum legatum vel fidei-
commissum tres actiones habeat, videlicet actione-
rem ex testamento, hypothecariam & rei vindi-
cationem, §. 2, Inst. De legatis & l. 1, C. Com de le-
gas & fideicom. poterit & hic agere unâ ex his a-
ctionibus ad petendum legatum sive fideicom-
missum; deinde alteri tamquam executor eamde-
rem restituere, prout iussit testator. Neque
ob id, si totum legatum est jussus restituere, om-
nino inutile est legatum ipsi executori, cùm, si
idem legatum ex persona ejus, cui restituendum
est, deficiat, morte vel repudiatione ejus ad ipsum
legatarium pertineat, per text. in l. Signis Titio 17
in pr. D. De leg. 2, junctâ l. un. §. 3, C. De cad tollen. &
junge l. Pater 38, 8. Tuscul. minus De leg. 3, Veruma-
men re diligenter discussa, puto Panorm. sen-
tentiam quod legata pia defendi non posse: nam
pro iis exigendis executori etiam mero competit
actio, per text. in d.l. Nulli 1: 8, §. 1, C. De Episc. & Cler.
& l. Si quis 49, §. 2, C eod tit quod & omnes Dd com-
muniter sequuntur, teste eodem Panorm. & Baldo ad
l. Id quod pauperibus 24, num. 18, C. De Episc. & Cler.
appellaturque hæc actio conductio ex lege, eò
quod detur ex d.l. 28, per text. in l. un. D. De condit.
ex lege.

³ Nihil autem interest, laician Clerici executo-
res testamenti constituantur, d.c. 17, & d.c. 19, h.t.
item an Religiosi sint, dummodo ad exequendum
habeant licentiam à Superiori suo, per text. in c. 2,
h. tit lib. 6, & c. un in Clem eod tit. Exceptis tamen
Fratribus Minoribus D. Francisci, quibus execu-
tio ultimarum voluntatum est interdicta, sicut
videtur in Clem. Exirvi 1, §. 9, De V.S. In pluribus
quoque executionibus simul datis illud consti-
tuti juris est, ut, si unus ex iis mortuus sit, aut pe-
regrinatus, aut detrecter executionem, alius exe-
cutor eam peragere possit, nisi aliud testator ex-
presserit, d.c. 2.

Altera Conclusio est: Executore nemine con-
stituto aut nominato in testamento, ad ipsum he-
redem executio pertinet etiam quoad piam cau-
sam, c. 3, & c. Si ad heredem 6, & c. Tua 17, inf. h.t.
Nam hoc casu videtur defunctus curam hujus rei
heredi reliquisse & demandasse: qui si voluntati
defuncti in exequendo intra annum non obtem-
peraverit, auferetur ab eo hereditas; quemadmo-
dum & à legatario cùdem ratione legatum, & de-
fertur eum onere suo aliis coheredibus vel colle-
gatariis, vel etiam heredibus ab intestato venien-
tibus, secundum ordinem à Justiniano traditum
in Nov. 1, & 1, Quo tamen loco excipiuntur li-
beri; qui, etsi in exequendo non pareant parenti
defuncto, nihilominus detrahunt legitimam
quam habentes legis præscripto, quasi jure quo-
dam naturali. Neque his obstat textus in c. Licet
6, inf. De voto, ubi filius Regis Hungariz non im-
plevit voluntatem defuncti patris sui regno priva-
tur; quia id accidit, quod regnum detractionem
legitimam non patitur, cùm nullam divisionem
recipiat, ex sententiâ Gl. ad d.c. 6, per text. in c. un. tit.
55, §. 1, lib. 2, Feud. Quod autem dictum est, he-
reditatem vel legarum auferri, ubi scil. heres vel
legatarius non paruit voluntati defuncti, verum
est, quando ad instantiam coheredis vel colle-
gatarii, sive heredum ab intestato venientium ag-
itur, ut ipsis portiùs hereditas vel legatum cum
onere suo applicetur. Dum tamen is coheres si-
realius, qui agit, officium judicis imploret: nec
enim solet judex in privatilicujus utilitate officium
suum, nisi imploratus, accommodare, l. 4,
§. hoc autem D. De dam. infecto. Interim non minùs
agere poterit is, in cuius utilitatem executio fieri
debet, ad impletionem legati sive fideicomissi
contra hereditatis possessorum, l. ult. in pr. C. De
pet. hered. & §. 2, Inst. De sing. reb. per fideicom. rel.
Cæterum in reliquo ad piam causam potest & E-
piscopus ex officio suo heredem vel legatarium
constringere, ut adimpliar defuncti volun-
tatem, per text. in d. c. 3, 6, & 17, inf. eod.
& §. si quis autem 11, Novel. 131. præsertim cùm
& ipse Episcopus à jure constitutus sit piarum
voluntatum executor, Conc. Trid. Sess. 22, de re-
form. cap. 8.

In Cap.